

此人。今日吾僑盡爲之生色。他日有表同情於黎君者。或出黎君之右者。想黎君必極端歡迎。吾僑更增無限的特色也。企予望之。

鍾榮光啓事

光爲嶺南農科大學募捐到秘將近兩月幸蒙利馬及上下埠僑胞異常鼎力得集鉅款而且招待優厚私誼公義永感不忘連日趕緊收束南下事多時少未及一一踵門拜謝及辭行又未能分函各埠僑胞深爲歉仄希爲恕罪敬祝

僑安

鍾榮光謹上

贊助鍾榮光先生公函

廣東省長致秘魯中華會函

敬啓者。嶺南大學副監督鍾榮光先生。因農科大學自取歸華人完全管理後。急須擴充。特前赴美洲各埠籌款。嶺南大學教授管理。與夫種種設備。已臻完備。近年設立農科大學。改良各種農業。尤關係本省人民生計。政府立案補助。經常各費。因軍費驟加。不能如期發給。諸君關懷祖國。夙佩熱誠。對於培植國本。發展農業之大計。信能鼎力助襄。多所傾

助。並望廣爲勸募。俾利進行。鍾先生効忠教育。久已中外知名。趨謁台端時。尙希接洽爲盼。專此順頌

大安

代省長陳樹人

中華民國十二年十二月

三藩市中華會館致秘魯中華會館函

秘魯中華會館列位鄉先生鈞鑒。頃嶺南農科大學監督鍾榮光先生。爲謀農科自立來美籌捐。所到各埠。各僑胞無不出力幫忙。今次前來貴埠。向各梓里求捐。尙希竭力提倡。勸各僑胞盡情捐助。至該農科內容之關係於民食與主權問題。鍾君當能面罄也。肅此恭頌
公祺

三藩市中華會館總董陳官韶頓

歡迎鍾榮光先生

錄智利華僑日報（霍劍）

昔柯亭之竹。非呈響于蔡籬。鹿盧之劍。豈矜奇于秦女。乃過之者駐轡。佩之者超屏。何哉。德見者情生。氣求者聲應。人非矇眛。覩夷光而運